

C  
Z 1020

I 56

1887

INDEX

LIBRORUM PROHIBITORUM

EXEMPLAR ROMANUM

IHSU SANCTISSIMI DOMINI NOSTRI

LEONIS XIII. PONTIFICIS MAXIMI

EDITUM ANNO MDCCLXXXVII.

EDITIO NOVISSIMA

IN OVA LIBRORUM ANTIQVARIARVM ET MUSEORVM  
MENSVM TERRITANVM ANNO 1887 INCIPIT. SUIVS LOCIS  
REPERIANTUR.



FONDO DE ERARIO  
VALVERDE Y TELLEZ

AAAAA

# BENEDICTUS PAPA XIV.

## AD PERPETUAM REI MEMORIAM.

Quæ ad catholice Religionis puritatem integerrime tuendam, et castos mores a contagione caute servandos maxime pertinent, cum semper ab Apostolica hac sancta Sede provide, sapienterque constituta, et sanctissime custodita sint; tum illud in primis laudabili Romanorum Pontificum prædecessorum nostrorum zelo, ac vigilantia provisum, et cautum fuit, ne ullum propter pravos exitiosque libros, quibus fides, et pietas labefactari plerumque solent, christifidelium animabus præiudicium, ac detrimentum irrogaretur. Quamobrem non solum huiusmodi libros improbare et proscribere consueverunt, sed ne vetita quoque eorum lectionis oblivio ulla unquam subreperet, aut ignorantia obtenderetur, publicis tabulis, atque catalogis eosdem perniciosos libros describi, et consignari voluerunt; quo sane fieret, ut, palam denunciata, atque oculis subjecta eorum pravitate, ab omnium manibus facilius removerentur. Crescente autem in dies exitiosa ipsorum segete, et copia, renovari identidem, atque augeri oportuit Indices ipsos, quorum primum quidem publica Ecclesie auctoritate a sapientissimis Tridentine Synodi Patribus dispositum fel. rec. Pius PP. IV. prædecessor noster optimis regulis communitum perfecit, atque Apostolica auctoritate divulgavit, deinde vero Clemens PP. VIII. itidem prædecessor noster librorum numero auctum, atque nonnullis in antedictas regulas observationibus illustratum nova luce donavit. Alexander denique PP. VII. pariter prædecessor noster diversa a prioribus methodo ordinatum, atque in varias partes tributum huiusmodi Indicem suo nomine edi voluit, ac promulgari. Etsi autem pro temporum conditione satis diligenter, atque utiliter in iis conficiendis laboratum sit, diuturna tamen observatione, atque experimento comperitum est, memoratos Indices neque satis correctos, neque satis usui accommodatos prodiisse: quapropter e publica utilitate fore visum est, si novus Index methodo aptiore digestus, atque a mendis, erratisque pluribus, quæ in priores irrepserant, emendatus construeretur. Rem hanc omni procul dubio laboris, et diligentie plenam jam tum animo præconceperamus, cum certas regulas in examine, et proscriptione librorum servandas tradidimus in Constitutione nostra, quæ incipit: *Sollertia, ac provida*, VII. Id. Iul. anno Incarnat. Dom. MDCCLIII. Pontificatus nostri anno XIII. data. Huiusmodi subinde negotium mature jam discussum Ven. Patribus nostris S. R. E. Cardinalibus Congregationi Iudicis librorum prohibitorum prepositis dirigendum, promovendumque commisimus, qui

INDEX L'BR. PROHIB.

007372

pro injuncti sibi muneris ratione, zelo, ac solertia, adhibitis etiam in consultationem et opus doctis, ac diligentibus viris, omnia pro votis sedulo, accurateque perfecerunt. Absolutum itaque juxta mentem nostram laudatum Indicem, et ab iisdem Cardinalibus revisum, atque recognitum typis Camerae nostrae apostolicae edi volumus, ipsumque praesentibus Litteris nostris tamquam expresse insertum habentes, auctoritate Apostolica tenore praesentium approbamus, et confirmamus, atque ab omnibus et singulis personis, ubicumque locorum existentibus, inviolabiliter, et inconcusse observari praecipimus, et mandamus sub poenis tam in Regulis Indicis, quam in Litteris, et Constitutionibus Apostolicis alias statutis, et expressis, quas tenore earumdem praesentium confirmamus, et renovamus. Non obstantibus Apostolicis generalibus, vel specialibus Litteris, Constitutionibus, ac quibusvis statutis, decretis, usibus, stylis, et consuetudinibus etiam immemorabilibus, caeterisque in contrarium facientibus quibuscumque. Volumus autem ut earumdem praesentium Literarum transumptis, seu exemplis etiam impressis, manu alicujus notarii publici subscriptis, et sigillo Praelati alicujus in dignitate ecclesiastica constituti obsignatis eadem prorsus fides habeatur, quae ipsis praesentibus haberetur, si forent exhibitae, vel ostensae.

Datum Romae, apud sanctam Mariam Majorem, sub annulo Piscatoris die XXIII. Decemb. MDCCLVII. Pontific. Nostri anno XVIII.

CAJETANUS AMATUS.

FR. HIERONYMUS PIUS SACCHERI

ORDINIS PRÆDICATORUM SACRÆ CONGREGATIONIS INDICIS. A SECRETIS

CATHOLICO LECTORI.

Exhausta librorum prohibitorum Indicis novissima editione sub s. m. Gregorio Papa XVI. impressa, curas omnes jussu SS. D. N. Pii IX. P. M. ad opus recudendum intendimus; eo pariter freti ut hac in re plurium precibus instanter emissis (de quo flexis genibus Deo benedicimus, quia quo magis increduli in religionis jura, morumque integritatem debacchantur, eo magis veritatis amor in fidelium mentibus excitatur), responderemus. Modo igitur hæc in lucem prodit editio, juxta Patrum Tridentinae Synodi mentem concinnata, ac præ aliis antecedentibus locuples, cum ea omnium librorum usque in hanc diem vetitorum integram seriem exhibeat, quo fit ut catholicus vir veritatis semitas inoffenso pede percurrere valeat.

De Indicis vero methodo, qua brevitati nec non claritati consulendum erat, nil de penu nostro referemus (præter ea quae hac in editione adnotanda et adjungenda censuimus), satisque sit lectoribus novisse, elapso saeculo Fr. Thomam Augustinum Richinium prædecessorem nostrum, summo pollentem ingenio, hanc excoluisse partem, opusque virorum cordatorum plausu adamussim perfecisse, ut ex sequentibus ejusdem verbis compertum erit.

« Imprimis Indici universo cum Regulas ipsius Indicis sacrosanctae Synodi Tridentinae jussu editas, tum easdem in Regulas Observationes, quae Clementis VIII., et Alexandri VII. auctoritate confectae sunt, præmisi-  
mus, una cum ejusdem Clementis VIII. Instructione. Quibus quidem rebus omnibus cum majorem et lucem et vim afferat sapientissimi Pontificis Benedicti XIV. Constitutio incipiens: *Sollicita ac provida*: eam idcirco adjungendam putavimus. Subjecimus deinde decreta quaedam generalia, quo et brevitati Indicis consuleremus et dubitationem omnem tolleremus, si qua de certis quibusdam libris suboriri posset, qui in Indice nominatim descripti non essent.

« Auctores autem ipsos, quorum nomina ac cognomina, magna adhibita diligentia germanae lectioni restituimus, in alphabeticum ordinem redegimus, majoremque in iis afferendis rationem habuimus cognominum, quam nominum, quod hæc illis minus nota esse videantur. Cognominum tamen loco habuimus quoque simulata cognomina, quibus pseudonymi delitescunt, tum aliquando patriam, aut etiam sanctos ipsos, quos sibi nonnulli tamquam cognomina assumunt.

« Theses atque disputationes non discipulorum, sed magistrorum aut praesidentium nomine, qui plerumque earum auctores esse solent,